

欽定大清會典圖


欽定大清會典圖卷一百五十五


輿地十七

呼倫貝爾城圖

呼蘭城圖


呼倫貝爾城圖一





呼倫貝爾城圖二


中左
一




[illegible]

呼倫貝爾城圖三


中北
一






呼倫貝爾城圖四


中北
二






呼倫貝爾城圖五

中南
一





呼倫貝爾城在齊齊哈爾城西北八百五十七里至

京師四千二百四十五里。呼倫池在城西北克魯倫河自喀爾喀車臣汗部東北流來注之。鄂爾順河自貝爾池北流來注之。復自池東北出為額爾古納河。至郭勒特格山東會海喇爾河。河出城東北界吉勒奇克山之北。合數水西南流。左納奇呼伊河諸水。右納果尼約爾河諸水。又西南庫勒都爾河合折爾固勒河音格勒奇河。訥普塔勒代河伊勒特克奇河特爾穆勒津河。

哈巴刺里河諸水西南流注之。左納摩該圖河。歐肯河奇雅喇河合西北流注之。又西南右納三小水及鄂勒奇哈河博羅斯河。左納瑚裕爾和奇河。又西南至博沁圖山東。烏努爾果勒水合庫勒巴彥河博羅圖河。烏呼圖河鄂克特河。噶察河鄂羅奇河達爾賓河。又會札敦河哈奇罕河錫伯河及烏蘭布爾噶蘇台河數小水西北流注之。又西左右各納一水西南流特諾克河南流注之。札喇木台河二源北流注之。又經城北。依奔河即移米河出室韋山合阿魯塔爾。

奇河鄂依那河洪果爾金河韋突克河錫尼克
河西北流會輝河所受之奎騰河及諸泊水北
流注之。又西墨爾根河合崇固林霍倫河哈吉
霍倫河依爾該圖霍倫河東南流注之。又曲西
北經窩集溫都爾山南哈壇和碩北至室韋格
特西與額爾古納河會。額爾古納河東北分流
復合至庫克多博北受根河。河亦曰旱河。一曰
捷河。出城東北伊克呼里山。合薩吉奇河鄂羅
諾因河奇雅喇捷河英吉爾河楞布爾河穆累
河札多瑪河西南流。伊圖里河合錫琳吉奇河。


西流注之額斯棍河哈魯克奇河及二小水合西北流注之又西右納鄂爾佳河左納數小水又西流注額爾古納河額爾古納河又東北特勒布爾河喀喇布河合西流注之又東北右納瑚裕爾和奇河約羅河珠爾格特伊河及三小水又北哈拉爾河合塔布爾河與謨里爾肯河並西流注之復右納遜河額爾奇穆河古爾布奇河必喇畢河又東北牛爾河亦出伊勒呼里山曰阿怕河曰伊里底吉察河合數水西北流注之又北右納阿巴河溫河烏瑪河伊穆河及


數小水東北流。奇乾河塔落甫喀河並合數水
北流注之。又東北會於黑龍江。黑龍江自喀爾
喀車臣汗部緣界東流。入黑龍江城界。貝爾池
在城西南。與車臣汗接界。上源為喀爾喀河。出
室韋山南。穆克圖爾山東南。曰噶爾必鄂模西
南流。左納哈瑪爾河。巴達那河。特爾根河。右納
古爾班賽坎河。及數小水。安巴哈爾。渾河。合哈
爾巴哈圖河。西北流注之。圖喇爾河合數水。西
南流注之。又西納墨爾根河。上承博羅河北流
注之。經古堡南。又西北。右納哈達該圖河。錫巴

爾台河胡魯蘇台河左納和爾和齊河又西北
支津右出為庫爾河注於鄂爾順河正渠匯於
貝爾池內興安嶺在城東南伊克呼里山在城
東北索岳爾濟山在城南城東及東南界布特
哈城西至南界喀爾喀車臣汗部東北界黑龍
江城

呼蘭城圖一


中






呼蘭城圖二

左中
一







呼蘭城圖三

中北

一







呼蘭城圖四

左北

一一





呼蘭城在省治東南九百六十五里。至

京師三千五百四十二里。領廳二。東北呼蘭綏化
混同江自吉林雙城廳緣界東北流。經治南受呼
蘭河。河出廳東北布倫山。合數小水東南流。折
西南右納青頂河馬鞏河胡拉庫河。又西南白
河出白山合數水。小呼蘭河來會。又西南右納
額伊濟密河。左納昂邦河拉列罕河及二小水。
又西南經餘慶街南。額伊渾河合尼爾吉河及
其支津南流來注之。克木克河合二道河西流
注之。經綏化廳北津河西北流注之。納敏河緣

界西南流注之。又西南至小榆樹。大鹼溝東流注之。濛河出呼蘭廳東北黑山。西北流經綏化廳南。折西南合一水注之。至城西北分流注混同江。混同江又東北南岸為吉林賓州廳界。左納涉搜溝水。經呼蘭廳南。碩羅河出石廠南合哲克特伊河。漂河及數小水東南流注之。又東折北限鴉河。自巴爾集瑪山西流。經廳治西折東南注之。又東左納數小水。又東左納佛特庫河。大小穆倫答河二道河。又東經吉林借設之佛思亨站南。左納轉心湖沙河。濃濃河頭道河。

富拉渾河林子河小橋河薩林河大崇河西伯
河二道河頭道河及諸小水是為三姓借界巴
蘭河出老黑山合數水東北流經沃赫山北折
東南達里帶河合珠勒河丹沁河及數水東南
流注之又東北左納烏風浪河瓦丹河將軍溝
又東左受吞河河亦曰屯河即陶溫河出布倫
山吞窩集為吞泊水合伊春河烏謨魯河東流
折南窩集河合必罕河西流注之胡迪奇河西
南流注之喀穆齊河合扎克丹穆圖河與穆遜
河並西流注之上下錫琳河並東流注之又西

南札里河合上下石頭河雅魯河及衆小水東
流來會。折東南左納珠勒河土河阿西克坦河
右納三小水紅科河哈魯河。經固木訥注混同
江。混同江又東緣城東界左納多龍烏河富爾
湖。河烏爾河德勒恩河都爾河布雅河南樂水
東北流入三姓城。界佛思亭山在城東北。城東
界吉林三姓城。西界內蒙古哲里木盟。北界黑
龍江城。南界吉林賓州廳。西南界吉林雙城廳。
西北界齊齊哈爾城布特哈城。

欽定大清會典圖卷一百五十六


輿地十八


布特哈城圖

墨爾根城圖

布特哈城圖一


中






布特哈城圖二


中左
一






布特哈城圖三

中北
一







布特哈城圖四

北左


一一






布特哈城圖五

中北
二





布特哈城在齊齊哈爾城東北三百里。至

京師三千六百七十七里。嫩江自墨爾根城緣界南流。多布庫爾河合數水東南流注之。又南鄂肯河亦合數水東南流注之。又經達巴爾罕穆丹南曲折南流錯入其城界。又西南受甘河。河出興安嶺支阜英吉奇山。合數水東北流。經阿迷特山南。又合數小水東南流。阿里河合數水來會。又合數水東南流。經善古克達西。奎勒奇肯河合奎勒河和羅河及數水來會。又合數水南流。注嫩江。嫩江又西南左納一小水。袞河合一


水呼畢勒河合三水並東南流注之。又西南經舊城東及治城西。又南受納默爾河。河出城東南博克托山。合數水西北流。左納吐魯們河。折西經哈勒巴室韋山南。左納三小水。右納一小水及喀喇河。又西左納溫察爾河及二小水。右納烏德林泊及數小水。經城東南。羅喇喀河自墨爾根城南流注之。經城南。又西注嫩江。嫩江又西南受諾敏河。河出特勒庫勒山。三源合東南流。右納數小水。左納托河及數小水。又曲東流。右納尼魯肯河。察爾巴奇河。左納克勒必罕。


河錫喇奇肯河額勒和奇河額勒格河及數小
水折南流經額勒和肯山巴達克山東又合巴
達克河及數水南流畢喇爾河合十餘水東流
注之又合數水東南流經舊城西格尼河亦合
十餘小水東南流注之又東南分流注嫩江嫩
江又南右納楚勒嘎勒河入齊齊哈爾城界阿
倫河在城西合十餘小水與音河並東南流入
齊齊哈爾城界雅爾河出城西大嶺合衆水東
南流經巴林南又東南右納阿敏永河諸水左
納和尼河又合數小水東南流左出為科爾吉

勒河入齊齊哈爾城界。正渠又南。烏德伊河。濟沁河。各合數水。東南合流來會。又東南。分流入內蒙古哲里木盟界。胡玉爾庫河。在城西。合數水。亦入哲里木盟界。綽爾河。出城西。合數水。南流。塔爾奇河。合數水。東流。注之。額勒庫河。西流。注之。又合數水。南流。札伊河。與哈巴奇河。並東流。注之。又合數水。東南流。托欣河。合那爾什河。及數小水。東流。注之。又東南。亦入哲里木盟界。陀喇河。出索岳爾濟山。東流。左合木什匣河。郭圖河。努克爾河。札瑪克圖河。厄黑格錫特依河。

套爾河庫齊台河多和倫台河右合吉布格圖
河特們河雅爾胡台河噶海河蘇海圖河烏瓏
楚爾河合南流注之東南流右納德伯特依河
亦入哲里木盟界城東界黑龍江城西至北界
呼倫貝爾城南界齊齊哈爾城東北界墨爾根
城西南界內蒙古哲里木盟


墨爾根城圖一






墨爾根城圖二

北





星爾根城在齊齊哈爾城東北四百六十里。至京師三千八百三十七里。嫩江出城西北伊勒呼里山。合三水東南流。伊什肯河合數水東南流注之。又東南納約爾河。伊蘇肯河各合數水南流。注之。左右各納一水。又東南額勒赫肯河合數水西南流。注之。喀奈河東南流。注之。又南喀羅爾河出伊勒呼里山。合數水西南流。折西注之。右納一小水。左納四小水。又南額勒和肯河。古里克河各合數小水東南流。注之。又左右各納二水南流。鄂多河合中科河及數小水西北

流注之經烏雲沃赫潭東。又南流左右各納數水。喇都里河出伊勒呼里山東南流合數水及古里河來會。又南左納雅菩薩台河三小水。右納二小水。多布庫爾河亦出伊勒呼里山合數小水。緣界東南流注之。固古河合數水西南流注之。又曲折南流至城北受謨魯爾河。河出庫穆爾哈達合三小水西流。木齊爾河合小中科河小鄂多河及二水西南流注之。右納希布奇河又西南注嫩江。嫩江又南受和羅爾河。河出吉爾奇納山。合數小水西北流。喀爾塔爾吉河

合穆納爾河諸水來會。又西合二小水注嫩江。嫩江又西南經治北。墨爾根河北流注之。又西南經治西窟隆山南。甘河自布特哈城來與博爾奇河二水並南流注之。二小水北流注之。入布特哈城界。羅喇喀河出城東南。穆圖爾肯山合二水西南流。亦入布特哈城界。城東至北界黑龍江城。西至南界布特哈城。

欽定大清會典圖卷一百五十七

輿地十九


山東省全圖


濟南府圖

泰安府圖

武定府圖

山東省全圖





山東省在


京師東南。濟南府為省治。山東巡撫布政司共治焉。統府十州二。濟南府之東青州府。南泰安府。兗州府。東南沂州府。西南東昌府。曹州府。濟甯州。東北武定府。萊州府。登州府。西北臨清州。海在省東。環東北至東南三面。東北接直隸天津府。界西南接江蘇海州界。黃河自直隸大名府東北流入境。經曹州府北至兗州府西北。受運河。又東北經泰安府西。北出為新運河。又東北經省治北武定府南。又東北至利津縣入於海。


運河上源為大汶河。出泰安府會小汶河西南流。至兗州府汶上縣分水口。分南北二流。並為運河。南流者經濟甯州西東南流。錯入江蘇徐州府境。復經兗州府西。泰安府西南。注黃河。復自泰安府東阿縣西導黃水。西出為新運河。北流經兗州府西北。東昌府東。至臨青州南。衛河自直隸大名府東北流來會。又北經東昌府東北。省治西北。入直隸河間府境。南旺湖馬踏湖。蜀山湖。並瀦汶河諸水。在兗州府西。濟甯州北。馬場湖在濟甯州西北。南陽湖獨山湖。並在州東。

南。微山湖在兗州府東南。小清河新舊二渠。舊小清河上源為瀨水。新小清河上源為濰水。並出省治東南。東北流經青州府西。一東北流至小清河口入於海。一東流至青州府北。淄河匯麻大湖水。瀦為青水。泊北流來會。又東至淄河口入於海。濰水出沂州府東。流經青州府東南。折北經萊州府西。濰河口入於海。膠萊河上源為白沙河。出萊州府南。流至水口。分南北二流。南流者為膠萊南河。合大沽河至膠州。澳入於海。北流者為膠萊北河。經府西北。膠萊河口入

於海。五龍河上流曰陶漳。曰楊础。曰觀裏。曰九里。曰昌水。並出登州府。合南流至五龍河口入於海。沂水出沂州府南流與沭河並入徐州府境。東北及東南至海。西北至直隸界。南至江蘇界。西南至河南界。

濟南府圖





濟南府為山東省治至

京師八百里。領州一縣十五。治歷城。東南淄川。東北濟陽。章邱。齊東。鄒平。長山。新城。西南長清。西北齊河。禹城。臨邑。平原。陵縣。德平。德州。黃河自泰安府肥城縣東北流入界。經長清縣西南。南沙河出縣南五道嶺西北流注之。又東北經縣東北。北沙河自泰安府泰安縣西北流注之。又經齊河縣治南。豐齊河一名玉符河。又名玉水上源曰錦陽川。出府治南仙龍潭。左合錦雲川。右合錦繡川。西北流注之。又經府治西北濼口。

鎮過華山北東北流經濟陽縣東又經章邱縣西北齊東縣西東北流入武定府惠民縣界小清河新舊二渠舊渠曰獮河即古楊渚溝水出章邱縣東南野狐嶺北流至柳塘口折而東經鄒平縣西右通澣山泊又東北沙河出縣南摩訶峰北流注之經縣北又東北白條河出縣南豬龍河出長山縣西合北流注之又經長山新城二縣西北入青州府高苑縣界新渠上源曰濰水出府治西南趵突泉北流經治西北柳塘河出治南玉函山北流折東來會為新小清河


折東經治北。又東右納鑛村河及壩子河。韓倉河神武河。又東北全節河。上源曰巨合水。出章邱縣西南長城嶺拔槩泉。北流經龍山鎮西合關盧水。武原水北流注之。又東北經章邱縣北。繡江河。一曰清河。出縣東南百脈泉。合瓜漏河。北流注之。又經齊東縣南鄒平縣北。長山縣西北。亦入高苑縣界。孝婦河自青州府博山縣北流入界。經淄川縣西。右納般水。又北漫泗河合。潁水河西流注之。又經長山縣南。范陽河即古萌水。出淄川縣西南滴水泉。合瀧水東北流注。


之。又折西北左納米溝水及魚子溝水。又經鄒平縣東北。折東北流。復經長山縣北。至新城縣東北。豐水即古德會水。一曰鄭潢溝。北流注之。又東北注麻大湖。入青州府博興縣界。烏河即古時水。一曰烏龍水。自青州府臨淄縣西北流入界。經新城縣東。澇淄河自青州府益都縣來北流注之。又北亦注麻大湖。徒駭河一曰土河。自東昌府高唐州東流入境。經禹城縣西南。漯河自東昌府茌平縣來東北流注之。又經禹城橋東。流經齊河縣東北。趙牛河亦自在平縣來。

東北流注之。又經臨邑縣南濟陽縣北入武定府商河縣界。商河即古夾馬河。自禹城縣順水土河東流經臨邑縣南濟陽縣西北亦入商河縣界。馬頰河自東昌府恩縣東北流入界。經平原縣西曲陸店。至德州東折東流經德平縣西北受篤馬河。河出平原縣南石家窪。東北流經陵縣東左納新高津河。又北折東。趙王河自高唐州來經平原縣東歧為二。一東北流經鉤盤鎮為鉤盤河入商河縣界。一北流來注之。又東北經德平縣西北注馬頰河。馬頰河又東北入

樂陵縣界。運河即衛河。自東昌府恩縣北流入界。經德州西南。又經治西東北。流至哨馬營。支津東北出。為北支。減河入直隸河間府吳橋縣。運河又東北入河間府景州界。南支減水河。即四女寺減水河。又稱老黃河。亦自恩縣東北流入界。經德州南折北入直隸河間府吳橋縣界。華山即華不注山。在府治東北。府東及東南界青州府。西及西南界東昌府。南界泰安府。北及東北界武定府。西北界直隸河間府。

泰安府圖





泰安府在省治南一百八十里至


京師一千里。領州一縣六。治泰安。東萊蕪。東南新泰。西東阿。西南東平州。西北肥城。平陰。黃河自兗州府壽張縣東北流入界。經東平州西北。又經東阿縣西南。陶城鋪。新運河及新開支運河。並左出入兗州府陽穀縣界。黃河又東北經龐家口。受大清河。又經縣治北。右納狼溪河。又經平陰縣西。右納錦水。又經肥城縣西北。入濟南府長清縣界。運河自兗州府汶上縣北流入界。經東平州西南。安山鎮西北。流入兗州府壽張


縣界大汶河出萊蕪縣東北原山。合匯水河西
南流經府治東。石汶水一曰天津河。出秦山東
北東南流來會。又西南會牟汶水。水出萊蕪縣
東。山西南流。浯汶水自沂州府蒙陰縣來會。西
流右納孝義河。經縣南。嬴汶水出新甫山北流
來會。又西嘶馬河出縣北大屋山。合小龍灣水
南流注之。又西會大汶河。大汶河又西南右納
鐵佛堂泉。又經府治東南會北汶水。水一名泮
河。出秦山西北桃花峪。歧為二。一西北流入濟
南府長清縣為北沙河。一東南經府治南合濤

河環水會大汶河。大汶河又南會小汶河。小汶河一曰柴汶水。出新泰縣東北龍堂山。合南師河。敖陽山河西流經縣南。又西右納西周河。左納廣明河。復右納廣甯河。又西蘇莊河。羊流河並出新甫山。合南流注之。又經府東南左納東濁河。及文曲河。二柳河。淄河西北流注大汶河。大汶河又西經府治南。其南岸為兗州府甯陽縣界。又西西濁河。小會河俱南流注之。又經東平州東南。匯河上源曰肥河。出肥城縣東黃山。康河出縣北五道嶺。合西南流。經縣南右納衡

魚河。又西經平陰縣南折東南流注之。至戴村壩溢而西北出者為大清河。復分支為小清河。並西北流夾東平州治。復合西北注黃河。其正渠自戴村壩西南流入兗州府汶上縣界。府東及東南界沂州府。西至南界兗州府。北界濟南府。東北界青州府。西北界東昌府。

武定府圖





武定府在省治東北二百里至

京師七百里。領州一縣九。治惠民。東濱州利津北。
陽信海豐東南。青城蒲臺西南。商河東北。霑化。
西北。樂陵海在府東北。北接直隸天津府鹽山。
縣界為海豐縣東北境。又東南為霑化利津二。
縣東北境。又東南接青州府樂安縣界。黃河自。
濟南府濟陽縣東北流入界。經府治南。青城縣。
北。又東北經濱州南。蒲臺北。利津縣南。又經永。
阜場北。出鐵門關。自牡蠣口入於海。徒駭河一。
曰徒河。亦自濟陽縣東北流入界。經商河縣東。

南府治南至濱州西。商河俗名土河。即夾馬河。亦曰小支河。自濟陽縣來。沙河自濟南府德平縣來。合東北流。來會折北。經霑化縣東南。東北流至富國場。分流復合東北流。至大洋口入於海。鉤盤河自府治西北。八方泊東北流。經陽信縣東南。又環霑化縣治東北流。自石橋海口入於海。馬頰河自德平縣東北流入界。經樂陵縣南。又東北錯入天津府慶雲縣界。復經海豐縣北。東北流。自月河口入於海。鬲津河即四女寺減河。俗稱老黃河。自天津府南皮縣東流入界。

經樂陵縣北。又東錯入鹽山縣界。復經海豐縣
北。會宣惠河東北流。自大沽河口入於海。府東
及東南界青州府。西至南界濟南府。北界直隸
天津府。東北界海。西北界直隸河間府。